



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Pars VIII.

urn:nbn:de:hbz:466:1-14298

C A P. L. *Quomodo impendenda
Vnctio extrema.*

Est autem Vnctio impendenda cum expositione Vnctionis & mandati Apostolici, quod sic habet: Infirmatur quis in vobis? inducat Presbyteros Ecclesiae, ut orent super eum, ungentes eum oleo in nomine Domini; & oratio fidei salvabit infirmum, & alleviabit eum Dominus; & si in peccatis sit, remittentur ei. Postremo loco adhibebit Parochus admonitionem preparationis ad mortem; quemadmodum Enchiridion docebit.

Iac. ult.

C A P. LI. *A sepultura nemo, in communione decadens, repellendus.*

Quod ad sepulturam attinet, quis poterit negare, rem longe piissimam esse, & in veteri & in nova lege accurate observatam, ut Christianorum (qui spem resurrectionis habent) corpora, non pecudum more disjiciantur, sed in cœmeterii sinum recondantur,

Gen. 23.
25.c. ex parte
de sepulti.

quod etiam alto mysterio non caret? Ab hac ergo sepultura nemo Christianus, qui in communione decepit Ecclesiae, arretratur, et si casu mortuus fuerit. Quum enim communicabatur viventi, & mortuo communicandum est. Soli vero haeretici, excommunicati, publici latrones, & hi, qui sibi mortem, criminis conscientia adacti, consicerunt, & quos in peccato letali, nullis pœnitentiae signis praecedentibus, decepsisse constiterit, prohibeantur.

C A P. LII. *Quam admonitionem in sepulturis & exequiis fieri oporteat.*

In sepulturis autem & Exequiis, mortalitas atque hujus calamitosæ vita admonitio diligens fiat; atque excitandi inter alia præsentes, ut recognitent, sibi eodem modo hinc excedendum esse, se in hac terra peregrinos agere, aliam autem inquirere, ad quam semper oporteat suspirare. Nam, quo pacto ad exorandam pro defunctis Dei misericordiam commonendi sint, supra diximus.

Heb. II.

P A R S O C T A V A.

C A P. I. *De vietu Parochorum.*Ex Conc.
Tolet. II.
c. 8.Matt. 10.
Ex Conc.
Tribu-
rensi ac
Varense.
c. in Eccle-
siastico. c.
principien-
dum 13.
q. 2.

Superest, ut de vietu Parochorum dispiciamus. Hic in primis, quod Christus docuit, & sacri Canones maxime serio præcepunt, præmittendum duximus: nempe ut Sacraenta Ecclesiastica gratis ministrentur; dicente Domino: Gratis accepistis, gratis date. Quamobrem neque pro baptizandis consignandisque fidelibus, neque pro collatione Chrismatis, vel promotionibus graduum, neque aliis Sacramentis distribuendis, precia quælibet vel præmia, nisi quid voluntariè offeratur, recipienda sunt. Neminem quoque ad quætuosas Exequias cogi, aut pro sepultura munus aut preium exigere volumus, secundum Canonicas sanctiones; Custodi interim ac vespilloni de sua mercede nihil detractentes.

C A P. II. *Parochis vietus necessarius
suppeditandus.*Deut. 25.
1 Tim. 5.
Matt. 10.

1 Cor. 9.

At, quum lex Divina præcipiat, non alligandum os bovi trituranti, quod utique, non boum causa sed propter nos dictum, Christus in Euangeliō explicat: Dignus, inquiens, est mercenarius mercede sua. ac Paulus toto capite 9 primæ ad Corinth. confirmat: Quis enim militat suis stipendiis un-

quam? quis plantat vineam, & de fructu ejus non edit? quis pascit gregem, & de lacte gregis non manducat? neque enim magnum est, si, qui spiritualia seminant, carnalia etiam mentant. Quamobrem dispiciendum est, ut Parochis, Euangelii prædicatoribus, certa ac competens subministratio vietus & vestitus fiat, idque ad eum modum, ne, in administrandis Sacramentis quippiam exigendo, oneri sint Parochianis, aut cibum, vicatum discurrendo, emendicare cogantur; quo nihil turpis aut fordidius.

C A P. III. *Vicecuratos, quos vocant,
ex proventibus Ecclesia congruam
sustentationem recepturos.*

Imprimis igitur, qui per Vicarios seu Vicecuratos Ecclesiæ Parochiales regendi potestatem à Nobis acceperunt, iisdem Vicariis tantam, ex proventibus Ecclesiae, partem assignabunt, qua vitam congruè sustentare possint. Quod Nos inter visitandum, pro ratione locorum ac Parochiarum ut fiat, ordinabimus.

C A P. IV. *Qui Ecclesiæ unitas habent,
Vicariis perpetuis portionem congruam
affignare oportere.*

Ecclesiæ Cathedrales ac Collegiatæ, item Monachi seu Religiosi, qui Ecclesiæ

De pre-
ben. & die
gnit. lib. 6.

fias Parochiales aut suis Ecclesis vel Monasteriis unitas habent, aut regendas aliis committunt, aut praesentando committi procurant; adeo interdum omnem proventum emun-gunt, ut residui reditus, qui Rectoribus Ecclesiarum permittuntur, nimis tenues sint & exiles. Quamobrem Nostræ curæ erit, ut tan-ta portio Rectoribus ipsis assignetur, unde jura Episcopalia solvere & congruam sustentatio-nem habere possint.

CAP. V. *Vbi reditus non suffecerint, quid agendum.*

Ex Vien-nensi Con-sal. Clem. fusa. **V**bi verò reditus Ecclesiarum non suffece-rent, Iuris consilium sequendum putamus; nempe ut duas uniantur; aut, si id grave videbitur, faltem una aut plures etiam Vicariae, quæ ad Altaria in ejusmodi Ecclesiis fundatæ sunt, ipsi Ecclesiæ Parochiali (ut vocant) incorporentur; sic tamen, ut, quoad fieri potest, per Parochium, Officium, ob quod Vicariae illæ fundatæ sunt, minime negligatur. Porro, Decimas potissimum Parochis ac Ecclesiæ ministris deberi, non dubium est. Nunc, quum illæ passim à Laicis magna ex parte usurpentur, neque facile ex eorum manibus divelli possint; videndum, num diligenter cohortatione, aut alia via, Iuri consentanea, Parochio, cui Ecclesiæ reditus ad viatum non sufficiunt, hinc aliquid emendandi possit.

CAP. VI. *Denarius consuetus, sed duplicitus, pendendus.*

POstremo loco, justum ac decens putamus, ut singuli Parochiani denarium illum con-

suetum, sed duplicitum, saltem in anno qua-
ter, videlicet in festis illis majoribus, veluti in
Natali Dominico, Paschate, Pentecoste, Af-
fumptioneque Virginis glorioæ, id est, singu-
lis festis duos denarios Parocho pendant. Ne-
que enim tantillum offerre, ulli onerosum esse
aut videri potest. *Quis enim tam sordidus est,*
*qui non æquum putet, modicum quid ca-
duci ac temporalis subministrare illi, à quo*
spiritualia ac æterna vicissim repetit? Certe
omnes scire debent, eos, qui in sacrario ope-
rantur, quæ de sacrario sunt, edere; & qui
Altario deserviunt, cum Altario participare.
Nam & Dominus ordinavit his, qui Euange-
lium annunciant, de Euangeliō vivere. Qui se
unica solutione (que uno Albo Rotato fiet)
liberare volet, id ipsi liberum esto. Ne verò
Parochus aut in contentionem aut suspicio-
nem trahatur, potius hæc pecunia per Eccle-
siæ economos, aut alios probatae fidei viros,
colligetur, ac ipsi Parocho numerabitur.

I Cor. 9.

CAP. VII. *Laudabilem consuetudi-
nem Agrippinæ Coloniæ per hæc
non abrogari.*

LAudabilem tamen consuetudinem in Ci-
vitate Nostra Colonensi erga sanctam Ec-
clesiam, pia devotione fidelium introductam,
per has Nostras Synodales Constitutiones no-
lumus immutare, donec ipsis Parochis intra
eandem Civitatem de sufficientiori viatu fue-
rit provisum.

P A R S N O N A.

CAP. I. *De constitutionibus ac consue-tudinibus Ecclesiasticis.*

DE constitutionibus humanis, ac Ecclesiasticis consuetudinibus, magna in praesentiarum in Ecclesia Dei concertatio est; quam Ecclesiæ turbatores, ut Ecclesiæ autoritatem everterent ad nihilunque redige-rent, invexerunt. At populus hic docendus est, sanctorum Patrum regulam sequi; qui diligenter admonent, Traditiones Ecclesiasti-cas, præsertim quæ fidei non officiunt, ita ob-servandas, ut à majoribus traditæ sunt. Sunt autem illa, quæ, non scripta, sed tradita cu-stodimus, non unius generis; quemadmodum divus Augustinus tradit. Alia enim toto ter-rarum orbe observantur à Patribus, nobis quasi per manus tradita. Quæ quidem putan-

da sunt vel ab ipsis Apostolis, vel ex plenariis conciliis (quorum est in Ecclesia saluberrima autoritas) commendata atque statuta retineri, veluti quod Passio, & Resurrectio, & Ascensio in cælum, adventus Spiritus sancti, & Quadrage-sima, annua solemnitate celebrantur, quod die Veneris à carnis abstinetur; atque alia multa, quæ ab universis merito observantur. Alia verò, quæ per loca terrarum regionesque variantur; sicut est, quod alii jejunant diem Mercurii, alii non; alii quotidie communicant Corpori & Sanguini Domini, alii certis diebus accipiunt; &c, si quid aliud hujusmodi animadvertisse potest; totum hoc genus rerum liberas habet observationes. quod enim ne-que contra fidem Catholicam, neque contra bonos mores esse convincitur, indifferenter est habendum, & pro eorum, inter quos vi-vit, societate servandum. Sic divus Ambro-

O 4

fius

*Aug. ad
Januar-
rium. c. il-
la astem.
i2. dicit.*